

03 APR 1999

PINJAMAN KEPADA KELANTAN BUKTI SIFAT TANGGUNG JAWAB BN

KUALA LUMPUR, 3 April (Bernama) -- Timbalan Menteri di Jabatan Perdana Menteri Datuk Ibrahim Ali berkata pinjaman mudah RM600 juta kepada kerajaan Kelantan untuk menyelesaikan masalah bekalan air di negeri itu menunjukkan betapa kerajaan pusat bersifat bertanggung jawab dan mengambil berat terhadap kepentingan rakyat.

"Ianya menunjukkan kerajaan Barisan Nasional tidak bermain politik seperti PAS bermain politik," kata Ibrahim yang bertanggung jawab dalam hal ehwal pembangunan negeri Kelantan.

Beliau bagaimanapun tidak menganggap masalah air telah selesai seperti yang didakwa oleh kerajaan Kelantan.

"Penyelesaian kepada masalah itu setakat ini hanya pada atas kertas (kerana) selagi rakyat belum mendapat kemudahan air bersih dengan cepat, kita menganggap masalah itu belum selesai."

Menteri Besar Kelantan Datuk Nik Abdul Aziz Nik Mat semalam mengumumkan bahawa kerajaan pusat telah meluluskan pinjaman itu bagi membantu kerajaan Kelantan menyelesaikan masalah bekalan air di negeri itu. Beliau mengucapkan terima kasih kepada Perdana Menteri Datuk Seri Dr Mahathir Mohamad kerana pinjmana itu.

Ibrahim berkata kerajaan Kelantan perlu telus dalam menangani masalah bekalan air dengan mengeluarkan satu kertas putih mengenainya.

-- BERNAMA